



割禾

割禾了！

阿公摺阿禮伯三子叔割麻竹脣該坵，細舅、阿漢伯、阿富叔子爺仔割大坵嫲，大舅掌斛桶、細哥杯穀，大哥擎穀包。佢在崑頂看往下：河壩兩片都係黃臘臘仔个禾仔。河壩這片个田坵肚，歸半莊仔叔伯煞手个左手一抓、右手一拉摺田項熟水个禾仔，一角一角仔變做一堆一堆个禾稈摺一袋一袋仔个穀包。擎穀包个大哥，緊脚个一蹶一箭上崎來了！

阿婆掌灶下，好擲擲仔个阿嬾妹，負責在崑頂牛眼樹下搭信田坵肚个信息：「禾鑷仔毋罈？」哼，你兜比手畫腳，佢乜看有！「阿婆！阿婆！大坵嫲會割忒了！」上晝米篩目、下晝綠豆湯、仙草，點心有準備了；桌心有雞盤，還過煲豬腳、炆鴨湯、炒肉……，食晝乜全全歸劃好了——因為阿婆係好面子个伙頭軍師。大舅姆掌大鑊、細舅姆掌細鑊，阿姊掌睨等點心个細猴仔，屋肚人有屋肚人个割禾事。

食點心了！

擔竿兩頭个菜籃肚，一鑊係鹹个米篩目、一鑊係甜个米篩目，鑊仔四沿有淨俐个碗筷，大家放棄來食點心了！企在大衫衫腳下、阿婆衫袖攞出腦油香个風，面前係一片臘黃个田坵，煞猛个人情、四面八方迎過來个熱情，佢用目珠享受該割禾畫面，真靚。

後日，阿禮伯割禾，大家愛記得哦！三子叔來摺摺搵手一日，係三工人，三工愛還人。錢請人做事有罈尷尬，「換工」係頭擺人同人之間，貼心又真意个人情交流。

禾割忒了！

禾頭田一片開洋，臨暗仔跔大姊帶一寶鴨仔去拈禾串仔。鴨仔孔孔翹翹食一肚飽，佢兜分二姊講个笑科拈到翹翹橫。

禾埕肚堆起一片金黃，阿舅摺阿哥一儕人一片使等蕩耙。「嘿～唷！」蕩耙拉起一壟一壟个穀，黃金色个穀堆上穀堆，笑容乜堆上戶檻肚阿公个面容。阿太太傳到阿公手个河壩田，該年寫等：「豐收！」

作者：彭瑞珠

☆詞彙學習☆

【大坵嫲】tai kiu' ma'：大畝田。

【睨等】xien den'：覬覦著。

【斛桶】fug tung'：手工打穀機。

【蕩耙】tong pa'：用以拉推使之平的工具。

【好擲擲仔】hau jied jied e'：興趣盎然的。【戶檻】fu' kiam'：門檻。

☆文法學習☆

【看往下】kon gong' ha'：向下看，「V+往+方位」句式，表示動作進行的方向。

例1：對這位行往上，再兩公里就到了。（從這裡往上走，再兩公里就到了。）

例2：阿爸正行往入，阿哥就走往出。（爸爸才往裡面走，哥哥就往外跑。）